


SLUŽBENI GLASNIK



OPĆINE BREZA

Godina X **Broj: 1.**

Breza, 01.02.2008.godine

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 23. i 33. Zakona o porezima Zeničko-dobojskog kantona („Službene novine ZE-DO kantona“, broj 24/99, 4/04 i 21/07), i člana 19. tačka 6. Statuta Općine Breza („Službeni glasnik Općine Breza“, broj 10/07), Općinsko vijeće Breza, na sjednici održanoj dana 31.01.2008. godine, d o n o s i

O D L U K U

o izmjeni Odluke o visini poreza na imovinu i stopi poreza na prihod od imovine i imovinskih prava

Član 1.

U članu 1. Odluke o visini poreza na imovinu i stopi poreza na prihod od imovine i imovinskih prava („Službeni glasnik Općine Breza“, broj 4/2000 i 9/06) tačka 3. briše se. Tačke 4. i 5. postaju tačke 3. i 4.

Član 2.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-210/08
Breza, 31.01.2008. godine

PREDSJEDAVAJUĆI:
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 1.10 tačka 6. Izbornog Zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 77/05 i 24/06) i člana 115. stav 2. Statuta Općine Breza, („Službeni glasnik Općine Breza“, broj 10/07), Općinsko vijeće Breza, na sjednici održanoj dana 31.01.2008. godine, d o n o s i

O D L U K U

o prestanku mandata vijećnika u Općinskom vijeću Breza

Član 1.

ČIVA AHMEDU, JMB: 2306962171124 , prestaje mandat vijećnika u Općinskom vijeću Breza sa 26.12.2007. godine, zbog podnešene ostavke na poziciju vijećnika u Općinskom vijeću Breza.

Član 2.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj:01/1-02-211/08
Breza, 31.01.2008.godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 61. Zakona o građevinskom zemljištu FBiH („Službene novine FBiH“, broj 67/05) i člana 19. tačka 7. Statuta Općine Breza („Službeni glasnik Općine Breza“, broj 10/07), rješavajući po zahtjevu „ST Plin“ d.o.o. Tešanj iz Tešnja, u predmetu utvrđivanja prava vlasništva na gradskom građevinskom zemljištu na kojem je izgrađen objekat bez prava korištenja radi građenja, Općinsko vijeće Breza na sjednici održanoj 31.01.2008. godine, d o n o s i

R J E Š E N J E

I – Na gradskom građevinskom zemljištu označenom kao:

- k.č.br. 140/1 u površini od 1000 m², upisano u zk.ul.br. 891 k.o. Potkraj,
- k.č.br. 139/3 u površini od 1900 m², upisano u zk.ul.br. 891 k.o. Potkraj,
- k.č.br. 139/2 u površini od 1800 m², upisano u zk.ul.br. 891 k.o. Potkraj,
- k.č.br. 166/1 u površini od 2260 m², upisano u zk.ul.br. 891 k.o. Potkraj,
- k.č.br. 167/1 u površini od 3130 m², upisano u zk.ul.br. 891 k.o. Potkraj,
- k.č.br. 135/5 u površini od 3050 m², upisano u zk.ul.br. 891 k.o. Potkraj,

koje odgovaraju k.č.br. 1466/29 k.o. Mahala, ukupne površine 13140 m²

utvrđuje se pravo vlasništva u korist „ST Plin“ d.o.o. Tešanj, kao graditelja objekta izgrađenom na tom zemljištu.

II – „ST Plin“ d.o.o. Tešanj obavezan je platiti naknadu za dodijeljeno gradsko građevinsko zemljište iz tačke I dispozitiva ovog rješenja u iznosu od 174.007,70 KM, („Slovima: stosedamdesetčetirihiljadeisedamkonvertibilnihmaraka i 70/100), koja se sastoji od:

- naknade na ime prirodnih pogodnosti (renta) u iznosu od 16.327,70 KM (slovima: šesnaestihiljadatristodvadesetsedamkonvertibilnihmaraka i 70/100) i
- naknade za preuzeto zemljište u iznosu od 157.680,00 KM (slovima: stopedesetsedamhiljadašestoosamdesetkonvertibilnihmaraka).

Navedeni iznos podnosilac zahtjeva je obavezan platiti u roku od 8 dana od dana prijema ovog rješenja na račun Općine Breza broj: 1602000023507876 – vrsta prihoda: 721231, šifra općine 016.

III – Po pravosnažnosti ovog rješenja Zemljišno knjižni ured Općinskog suda Visoko izvršit će uknjižbu prava vlasništva na zemljištu iz tačke I. dispozitiva ovog rješenja u korist „ST Plin“ d.o.o. Tešanj iz Tešnja, sa dijelom 1/1.

IV – Ostala prava i obaveze između Općine Breza i vlasnika zemljišta iz tačke I dispozitiva rješenja regulisat će se posebnim ugovorom.

O b r a z l o ž e n j e

„ST Plin“ d.o.o. Tešanj, podnio je zahtjev da se na osnovu člana 61. Zakona o građevinskom zemljištu utvrdi pravo vlasništva u njegovu korist, na gradskom građevinskom zemljištu u državnoj svojini iz tačke I dispozitiva ovog rješenja, na kojem je izgradio objekat bez prava korištenja zemljišta radi građenja.

Postupajući po navedenom zahtjevu, izvršen je uviđaj i održana je usmjena rasprava na licu mjesta dana 21.01.2008. godine u prisustvu vještaka građevinske struke, vještaka geometra, općinskog pravobranioca i podnosioca zahtjeva, te je utvrđeno sljedeće činjenično stanje.

- da je rješenjem o urbanističkoj saglasnosti Ministarstva za prostorno uređenje, promet i komunikacije i zaštitu okoline ZE-DO kantona, broj: 12-23-1768/07 od 10.04.2007. godine i rješenja o izmjeni urbanističke saglasnosti broj: 12-23-2538/07 od 14.05.2007. godine, „ST Plin“ d.o.o. Tešanj iz Tešnja, data urbanistička saglasnost za izgradnju terminala (skladišta) za TNP (tečni naftni plin) kapaciteta 1.600,00 m³ na predmetnom gradskom građevinskom zemljištu,

- da je u posjed navedenog gradskog građevinskog zemljišta podnosilac zahtjeva stupio na osnovu Ugovora o partnerstvu, između RMU „Breza“ d.o.o. Breza, kao posjednika predmetnog zemljišta i „ST Plin“ d.o.o. Tešanj,

- da je na predmetnom zemljištu predviđena izgradnja objekta – terminal (skladište) TNP (tečni naftni plin) kapaciteta 1.600,00 m³, za koji je Ministarstvo za prostorno uređenje, promet i komunikacije i zaštitu okoline ZE-DO kantona donijelo rješenje o odobrenju za građenje broj: 12-23-24/08 od 14.01.2008. godine, ali bez prava korištenja zemljišta radi građenja,

- da je predmetno zemljište preuzeto iz posjeda ranijeg nosioca prava korištenja RMU „Breza“ d.o.o. Breza i da se isto u zemljišnim knjigama Općinskog suda u Visokom vodi kao državna svojina, sa pravom korištenja Općine Breza sa dijelom 1/1,

- da je Općinsko pravobranilaštvo dalo mišljenje na navedeni postupak utvrđivanja prava vlasništva na predmetnom zemljištu svojim aktom broj: M-01/08 od 30.01.2008. godine.

Naknada za dodjeljeno zemljište utvrđena je u skladu sa članom 68. Zakona o građevinskom zemljištu FBiH i u skladu sa Odlukom o dopunama Odluke o građevinskom zemljištu („Službeni glasnik općine Breza“, broj 9/07), i Odlukom Općinskog vijeća o određivanju procenta za utvrđivanje naknade za 1/m² građevinskog zemljišta koje se preuzima od ranijeg vlasnika.

Dodjela građevinskog zemljišta temelji se na odredbi člana 61. Zakona o

građevinskom zemljištu FBiH kojim je utvrđeno da će Općinsko vijeće na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se naknadno može izdati odobrenje za građenje, utvrditi pravo vlasništva u korist graditelja uz obavezu plaćanja naknade u skladu sa Zakonom.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u „Službenom glasniku Općine Breza“.

Broj: 01/1-02-215/08
Breza, 31.01.2008.godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-213/08
Breza, 04.02.2008.godine

Na osnovu člana 115. stav 3. Statuta Općine Breza („Službeni glasnik Općine Breza“, broj: 10/07) prilikom razmatranja Nacrta Poslovnika o radu Općinskog vijeća Breza godinu, Općinsko vijeće Breza na sjednici održanoj dana 31.01.2008. godine, donosi

Z A K L J U Č A K

I

UTVRĐUJE SE Nacrt Poslovnika o radu Općinskog vijeća Breza.

II

Javnu raspravu po utvrđenom Nacrtu Poslovnika o radu Općinskog vijeća Breza sprovesti u okviru vijećnika Općinskog vijeća Općine Breza, predstavnika radnih tijela Općinskog vijeća i predstavnika političkih partija-stranaka koje participiraju u Općinskom vijeću.

III

Javnu raspravu sprovesti u periodu od 01.02.2008. do 20.02.2008. godine.

IV

Za realizaciju zaključka zadužuje se Stručna služba Općinskog vijeća i Komisija za statutarna pitanja.

Dostavljeno:
1x Predsjedn.klubova parlam.stranaka,
1x Predstavnicima radnih tijela OV,
1x Predsjednicima polit.stranaka OV,
1x 01/1,
1x a/a

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-214/08
Breza, 04.02.2008.godine

Na osnovu člana 115. stav 3. Statuta Općine Breza, ("Službeni glasnik Općine Breza", broj: 10/07), prilikom razmatranja Nacrta Programa rada Općinskog vijeća za 2008. godinu Općinsko vijeće Breza na sjednici održanoj dana 31.01.2008. godine, donosi

ZAKLJUČAK

I

UTVRĐUJE SE Nacrt Programa rada Općinskog vijeća za 2008. godinu.

II

Javnu raspravu po utvrđenom Nacrtu Programa rada Općinskog vijeća za 2008. godinu sprovesti u okviru vijećnika Općinskog vijeća Općine Breza, predstavnika radnih tijela Općinskog vijeća i pomoćnika Općinskog načelnika Općine Breza.

III

Javnu raspravu sprovesti u periodu od 01.02.2008. do 20.02.2008. godine.

IV

Za realizaciju zaključka zadužuju se Stručna služba Općinskog vijeća.

DOSTAVLJENO:

1x Predsjednici klubova OV,
1x Predstavnicima radnih tijela OV,
1x Pomoćnicima Općinskog načelnika,
1x 01/1,
1x Arhiva.

PREDSJEDAVAJUĆI

Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-216/08
Breza, 31.01.2008.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 10/07), i člana 14. Odluke o javnim priznanjima Općine Breza ("Službeni glasnik Općine Breza", broj 4/2001), Općinsko vijeće Breza na sjednici održanoj dana 31.01.2008. godine, d o n o s i

Z A K L J U Č A K
o pokretanju postupka za dodjelu javnih priznanja Općine Breza

I

Da Komisija za odlikovanja i općinska priznanja sprovede postupak dodjele javnih priznanja Općine Breza po Odluci o javnim priznanjima Općine Breza ("Službeni glasnik Općine Breza", broj 4/2001).

II

Rok realizacije zaključka je 20.03.2008. godine.

III

Ovaj Zaključak stupa na snagu osmog dana od dana objavljivanja u "Službenom glasniku Općine Breza".

DOSTAVLJENO:

1x Predsjednik Komisije za
odlikovanja i općin.priznanja
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-212/08
Breza, 04.02.2008.godine

Na osnovu člana 115. stav 3. Statuta Općine Breza, ("Službeni glasnik Općine Breza", broj: 10/07), prilikom razmatranja prijedloga Programa rada Općinskog načelnika za 2008. godinu, Općinsko vijeće Breza na sjednici održanoj 31.01.2008. godine, donosi

Z A K L J U Č A K

I

USVAJA SE Program rada Općinskog načelnika za 2008. godinu.

II

Za realizaciju zaključka zadužuje se Općinski načelnik.

DOSTAVLJENO:

1x Općinski načelnik,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-217/08
Breza, 04.02.2008.godine

Na osnovu člana 115. stav 3. Statuta Općine Breza, ("Službeni glasnik Općine Breza", broj: 10/07), prilikom razmatranja Akcionog plana socijalnog uključivanja u sistem dječije zaštite u Općini Breza u 2008.-2009. godini o davanju saglasnosti, Općinsko vijeće Breza na sjednici održanoj 04.02.2008. godine, d o n o s i

ZAKLJUČAK

I

DAJE SE SAGLASNOST na Akcioni plan socijalnog uključivanja u sistem dječije zaštite u Općini Breza u 2008.-2009. godini.

II

Za realizaciju zaključka zadužuje se članovi Općinskog upravnog odbora Projekta Općine Breza.

DOSTAVLJENO:

1x Služba za priv.fin.i opću upravu,
1x Centar za socijalni rad Breza,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj:01/1-02-10-1/08
Breza, 10.01.2008.godine

Na osnovu člana 115. Stav 3. Statuta Općine Breza („Službeni glasnik Općine Breza“, broj:10/07) prilikom razmatranja Izvještaja o radu i poslovanju JP „Komunalno“ d.o.o. Breza za 2006. godinu, Općinsko vijeće Breza na sjednici održanoj dana 10.01.2008. godine, d o n o s i

ZAKLJUČAK

I

Da Općinski načelnik sa predstavnicima Rudnika mrkog uglja „Breza“ d.o.o. Breza definiše uslove i način korištenja odlagališta otpada na području Općine Breza na lokaciji Površinskog kopa Koritnik.

II

Rok realizacije zaključka je ODMAH.

Dostavljeno:
1x Općinski načelnik,
1x RMU „Breza“ d.o.o. Breza
1x 01/1,
1x a/a.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj:01/1-02-10-2/08
Breza, 10.01.2008.godine

Na osnovu člana 115. Stav 3. Statuta Općine Breza („Službeni glasnik Općine Breza“, broj:10/07) prilikom razmatranja Izvještaja o radu i poslovanju JP „Komunalno“ d.o.o. Breza za 2006. godinu, Općinsko vijeće Breza na sjednici održanoj dana 10.01.2008. godine, d o n o s i

ZAKLJUČAK

I

Da se sačini program mjera unutrašnjih rezervi u sanaciji gubitaka u JP „Komunalno“ d.o.o. Breza i to:

- maksimalna radna disciplina,
- štednja u svim segmentima,
- potreban broj uposlenika,
- maksimalna iskorištenost tehničkih kapaciteta u cilju stvaranja dobiti i dr.

II

Da menadžment JP „Komunalno“ d.o.o. Breza sačini program mjera na prevazilaženju postojećeg stanja u segmentu:

- a)Vodosnabdijevanje,
- b) Čišćenje i odvoz smeća.

III

Rok za realizaciju zaključka je 15.februar 2008. godine.

IV

Za realizaciju zaključka zadužuje se nadležni organ JP „Komunalno“ d.o.o. Breza.

Dostavljeno:
1x Direktor JP „Komunalno“ d.o.o. Breza,
1x Predsjednik Nadzornog odbora JP „Komunalno“,
1x Služba za opću upravu,privredu i finansije,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj:01/1-02-1252/07
Breza, 26.04.2007.godine

Na osnovu člana 2. 4 i člana 2.12 Izbornog zakona BiH ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 77/05, 24/06) i člana 50. stav 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 26.04.2007. godine, donosi

R J E Š E N J E

o imenovanju predsjednika Općinske izborne komisije Općine Breza

I

Za predsjednika Općinske izborne komisije imenuje se:

SAFET ZAHIROVIĆ

II

Imenovanje se vrši na period od 5 godina.

III

Imenovanje iz tačke I ovog rješenja stupa na snagu danom davanja saglasnosti Centralne izborne komisije Bosne i Hercegovine, na imenovanje predsjednika Općinske izborne komisije Općine Breza.

IV

Po dobivanju saglasnosti na imenovanje predsjednika Općinske izborne komisije Općine Breza od strane Centralne izborne komisije rješenje će se objaviti u "Službenom glasniku Općine Breza".

Dostavljeno:
1x Općinska izborna komisija Breza,
1x Centralna izborna komisija BiH Sarajevo,
1x Safet Zahirović,
1x 01/1,
1x a/a

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj:01/1-02-3775/07
Breza, 29.11.2007.godine

Na osnovu člana 2. 4 i člana 2.12 Izbornog zakona BiH ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07,) i člana 50. stav 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 29.11.2007. godine, donosi

R J E Š E N J E
o imenovanju člana Općinske izborne komisije Općine Breza

I

Za člana Općinske izborne komisije imenuje se:

JEVRIĆ VESNA, kći Marjana, JMB: 1202966187978.

II

Imenovanje se vrši na period od 5 godina.

III

Imenovanje iz tačke I ovog rješenja stupa na snagu danom davanja saglasnosti Centralne izborne komisije Bosne i Hercegovine.

IV

Po dobivanju saglasnosti na imenovanje člana Općinske izborne komisije Općine Breza od strane Centralne izborne komisije rješenje će se objaviti u "Službenom glasniku Općine Breza".

Dostavljeno:

1x Općinska izborna komisija Breza,
1x Centralna izborna komisija BiH Sarajevo,
1x Jevrić Vesna,
1x 01/1,
1x a/a

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
CENTRALNA IZBORNA KOMISIJA
SREDIŠNJE IZBORNO POVJERENSTVO

P R E P I S

Na osnovu člana 2.12 stav (5) Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/5, 11/06, 24/06 i 32/07) i član 18. Poslovnika Centralne izborne komisije Bosne i Hercegovine („Službeni glasnik BiH“, broj 50/07) Centralna izborna komisija Bosne i Hercegovine je na 1. sjednici održanoj 17.01.2008. godine, donijela

O D L U K U

Član 1.

(1) Daje se saglasnost na Rješenje Općinsko g vijeća Breza broj: 01/1-02-1252/07 od 26.04.2007. godine i broj: 01/1-02-3775/07 od 29.11.2007. godine, u dijelu kojim se imenuju članovi Općinske izborne komisije Breza:

- a) Safet Zahirović – predsjednik
- b) Vesna Jevrić – član

- (2) Mandat imenovanim iz stava (1) ovog člana teče od 17.01.2008. godine i traje pet (5) godina.

Član 2.

Ova Odluka stupa na snagu danom donošenja.

Broj: 01-07-1-928/07

Datum, 17.01.2008.godine

Dostaviti: OV Breza
- a/a

Predsjednik
Stjepan Mikić,s.r.

S A D R Ź A J

1. Odluka o izmjeni Odluke o visini poreza na imovinu i stopi poreza na prihod od imovine i imovinskih prava.
1. Odluka o prestanku mandata vijećnika u Općinskom vijeću Breza.
2. Rješenje o utvrđivanju prava vlasništva u korist „ST Plin“ d.o.o. Tešanj, kao graditelja objekta u površini od 13140 m².
4. Zaključak kojim se utvrđuje Nacrt Poslovnika o radu Općinskog vijeća Breza.
5. Zaključak kojim se utvrđuje Nacrt Programa rada Općinskog vijeća za 2008. godinu.
6. Zaključak o pokretanju postupka za dodjelu javnih priznanja Općine Breza.
6. Zaključak o usvajanju Programa rada Općinskog načelnika za 2008. godinu.
7. Zaključak o davanju saglasnosti na Akcioni plan socijalnog uključivanja u sistem dječije zaštite u Općini Breza u 2008.-2009. godini.
7. Zaključak da Općinski načelnik sa predstavnicima Rudnika mrkog uglja „Breza“ d.o.o. Breza definiše uslove i način korištenja odlagališta otpada na području Općine Breza na lokaciji Površinskog kopa Koritnik.
8. Zaključak da se sačini program mjera unutrašnjih rezervi u sanaciji gubitaka u JP „Komunalno“ d.o.o. Breza.
9. Rješenje o imenovanju predsjednika Općinske izborne komisije Općine Breza.
10. Rješenje o imenovanju člana Općinske izborne komisije Općine Breza.
11. Prepis Odluke Centralne izborne komisije o davanju saglasnosti na rješenje o imenovanju Općinske izborne komisije Breza.

